



Rodolphus Bruxellæ in Spirenſi diocœſi natus & educatus eſt. Hic poſt prima literarum tyrocinia ſeſe Heydelbergam ſtudioſũ gratia contulit. Ibi primũ humanioribus literis, poſtea etiã ſacræ Theologię operam dedit. erat enim optimo ingenio & caſtiſſimis moribus præditus. Itaq; factum ut in inſignem philoſophum & eruditũ Theologum euaderet. Cum ergo lectio Theologiæ uacaret, ipſe procerum Academia cõſenſu publicus eius facultatis profeſſor aſſumptus fuit. Eam functionem magna cum laude peregit, atq; eam Vniuerſitatem ſua eruditione plurimũ celebrauit. Scripſit inter alia Quæſtiones ſententiarum, Ora-

tiones ad patres, & uarios ſermones. floruit tempore Concilij Baſilienſis anno 1431. Trit. in ſcript. Eccleſ.